

1910

年

第

卷

2371

第

期

2377

北洋官報

目錄

宮門抄 電旨
 奏議○度支部奏陸軍各學堂經費請飭撥節應用摺
 又奏實業教員講習所畢業獎賜摺△直督奏查明上
 年雜項奏銷摺△又奏請以王遇甲接充協統片
 摺片十一則
 奏請○督憲札一件△本局稟二件△警務處詳一件△
 糧餉局詳一件△練餉局詳一件
 文告五則△發給四則△各省五則△譯電五則
 彙報○憲政編查館奏定禁革買賣人口條款△督辦鹽
 務處暫行章程
 已酉官報目錄

本局 第一百三十期 法政學報 已出
 本日 增刊 己酉 官報 目錄 一頁

現刻北洋同官錄各處履歷尙未來齊務望於二月內送交敝局以便三月初旬一律印刷
 本局謹啟

宮門抄

二月十一日 外務部 欽天監 侍衛處值日 帕王因免扣俸銀謝 恩 喀拉沁王因折給米石謝
 恩 阿王等謝管理新舊營房 恩 督辦吉林邊務吳祿貞到京請 安 召見軍機 吳祿貞
 外務部遞封奏一件又代遞出使大臣雷補同奏摺一封 稅務處遞封奏一件 胡思敬遞封奏一件

電旨

二月十一日奉
 旨出使德國大臣著梁誠補授欽此

奏議錄要

度支部奏陸軍各學堂經費難籌請

飭陸軍部仍照前撥之款撙節應用摺

奏爲陸軍各學堂經費難籌擬請

飭下陸軍部仍就前撥之款撙節應用恭摺仰祈

聖鑒事竊准陸軍部

咨宣統元年十二月二十五日具奏預計宣統二年學堂等項經費應需數目一摺本日奉

旨度支部知道欽

此欽遵恭錄

諭旨抄錄摺表咨送前來據原奏內稱現在庫款支絀臣等非不深知無如戎政所繫究不敢不

及時籌備卽以宣統二年而論督理公所師範講習所現已裁撤醫學館軍械學堂亦分別歸併停辦各省應攤日本陸軍學生學費均令隨時籌解各省發鎮見習生津貼已改章由各省照數撥還以上各節用款俱已刪減而第一第三第四中學堂尙須照章添入新班學生第二中學堂又因四川新疆等省小學堂陸續畢業應入中學未便

久附於第一第三第四各堂不得不照章設立以符奏定原案其餘各項學務要政又皆須接續舉辦惟有就應支各款再行切實刪併現在通年計算共需庫平銀一百二十四萬餘兩等語臣等伏查陸軍各項學堂經費數目疊經往返咨商始由臣部指定以上海製造局按年解交新廠經費銀七十萬兩並稅務司二成船鈔提充稅務處經費項下按年騰出銀十餘萬兩勻撥應用誠爲軍政重要於無可設法之中勉求挹注今按陸軍部所列細表覆加核算此次雖已刪減銀三十萬兩上下而貴胄學堂用項並未列入每年仍須的款銀一百二十四萬餘兩以臣部前撥銀八十餘萬兩抵支尙不敷銀四十萬兩果使有款可籌亦何必故爲辨難無如近年百事待舉羅掘俱窮實不能再有增益相應請 旨飭下陸軍部仍就前撥八十萬兩之數每季以二十萬兩支領節省動用務求實際以紓財力所有擬撥陸軍各學堂經費請 飭力求撙節緣由理合恭摺具陳伏乞

皇上聖鑒謹 奏宣統二年正月二十三日奉 旨依議欽此

學部奏籌議實業教員講習所畢業獎勵辦法摺

奏爲籌議實業教員講習所畢業獎勵辦法以裕師資而興實業恭摺仰祈 聖鑒事竊惟裕國以實業爲先圖興學以求師爲急務奏定學堂章程訂有實業教員講習所章程其立學總義章第一節內開設實業教員講習所以養成各實業學堂之教員爲宗旨以各種實業師不外求有成效第二節內開實業教員講習所分爲農業教員講習所商學堂中學堂或與同以上之實業學堂畢業者始爲合格實業學堂管理通則內開實業教員講習所即實業之師範學堂爲實業師範所資萬不可置爲緩圖各等語現在京外各處實業學堂成立尙少良由實業教員萬分缺乏非及時造就無以立振興實業之基各項學堂皆經訂有獎勵而實業教員講習所獨付闕如亦非及時增訂不足以資鼓舞查奏定學堂章程各學堂階級程度統系圖實業教員講習所係與優級師範學堂列爲同等所定入學資序亦與優級師範學堂入學資序相同惟優級師範學堂公共科一年畢業分類科三年畢業共計四年畢業此項講習所擬卽定爲四年畢業准其比照優級師範學堂畢業獎勵章程分等給獎其畢業後應盡義務亦卽比照優級師範學生義務年限辦理准其充當中等實業學堂教員庶幾師資有藉各種實業學堂得以逐漸設立各種實業得以逐漸振興抑臣等更有請者實業學堂分高中初中三等學科程度各判淺深既有實業教員講習所以備造就中等實業教員其初等農工商實業學堂暨實業補習普通學堂藝徒學堂均爲民人生計所關似應分別造就淺近實業教員以備多設此項學堂之需查師範學堂分優級初級兩種而初級師範又分有簡易科一種並經奏准訂有獎勵章程通行在案奏定學堂章程工業教員講習所本分完全簡易二種擬將農業商業兩種仿照工業辦理並准設立簡易科招收學生及畢業年限均仿照初級師範簡易科辦理畢業後准其比照初級師範簡易科畢業獎勵章程分等給獎其畢業後應盡義務亦卽比照初級師範簡易科學生義務年限辦理至此項講習所暨簡易科所習學科應由各處遵照定章所列科目分別淺深酌擬詳細課程報明臣部核定此項講習所既經增訂獎勵不患無人來學各省應於兩年以內至少設立一所並及時籌設簡易科以應急需其學生畢業後既訂有義務年限所有學膳等費應併照師範學生之例一律免收以示體恤臣等爲廣裕師資期興實業起見謹參照定章酌擬辦法請 旨遵行所有籌議實業教員講習畢業獎勵辦法緣由謹恭摺具陳伏乞

皇上聖鑒謹 奏宣統二年正月二十四日奉 旨依議欽此

直隸總督陳奏查明光緒三十四年分雜項奏銷摺

奏爲查明光緒三十四年分雜項奏銷恭摺仰祈 聖鑒事竊查直隸光緒三十四年分雜項奏銷除大興宛平兩縣四廠官房等租因遭兵燹或被焚燒或經圍估各租征收無幾業經奏豁應行剔除外其餘各冊均據造送茲查得光緒三十四年分順天永平保定河間天津正定順德廣平大名宣化等十府並遵化易州冀州趙州深州定州等六州併屬額征當稅銀一萬九千一百七十五兩內已完銀一萬五千五百七十兩未完銀三千六百五兩又直屬各州縣應解田房雜稅銀二十七萬五千八百一十五兩五錢九分二釐內已完銀二十七萬二千八百二十九兩六分九釐未完銀二千九百八十六兩五錢二分三釐又順天永平保定順德宣化易州趙州等七府州屬應扣師生銀五十四兩九錢七分二釐內已完銀五十兩八錢四分七釐未完銀四兩一錢二分五釐又順天天津冀州易州等四府州屬應扣缺官銀二十三兩三錢五分八釐內已完銀二十二兩八錢三分九釐未完銀五錢一分九釐又征收通廠木稅銀四千六百七十五兩七錢六分又順天永平保定河間天津正定順德廣平大名宣化等十府並遵化易州冀州趙州深州定州等六州併屬應征學田租已完銀二千七百二兩一錢八分八釐米豆雜糧租穀一千八百四十五石三升九合三抄租京錢大千七百文租制錢六十二千七百文又供應過度支部外省盛京行糧墊支銀八百九十六兩三錢二分二釐八毫逐款勾稽數目均屬相符據前任布政使崔永安開明簡明冊單詳請具奏前來臣覆查無異除將冊單咨部外理合恭摺具陳伏乞 皇上聖鑒敕部查照謹 奏宣統二年正月二十二日奉 硃批該部知道欽此

又奏請以王遇甲接充陸軍第四鎮步隊第八協統領片

再補用副將陳光遠派充陸軍第四鎮步隊第七協統領業經奏咨在案其陸軍第四鎮步隊第八協統領一差查有前充陸軍第十八協統領留學日本陸軍士官學校畢業生王遇甲治軍嚴整幹練有爲堪以接充除飭遵並咨部備案外謹附片陳 奏伏乞 聖鑒謹 奏宣統二年二月初三日奉 硃批陸軍部知道欽此

摺片摘要

直督陳奏房山縣民人崔拴兒等命案彙奏摺二月初九日奉

又奏延慶州客民趙萬潰等命案彙奏片同日奉

又奏沙河縣民人王個的等命案彙奏片同日奉

又奏彙報蘆屬竈地秋禾災歉蠲緩摺同日奉

又奏津海關百九十六結藥釐數目摺同日奉

晉撫恩壽奏上年十二月分雨糧情形摺同日奉

又奏委錫桐等署藩司等缺片同日奉

又奏解還俄法英德洋款片同日奉

又奏請以蔡寶善補三原令摺同日奉

又奏解新定各國償款片同日奉

公牘錄要

督憲陳據天津商務總會稟籐草帽行職商吳金印懇遞減舖捐事札飭捐務局核覆文

為札飭事據天津商務總會稟稱案據奏獎五等商勳草帽行職商吳金印呈具說帖內稱竊津郡地方為北洋之
畿輔水陸通衢華洋輻輳向稱商埠第一要區未經庚子以前雖有捐項為數無多且商業興隆尙屬殷實自遭兵
燹以後搶掠一空各商所有存貨均付之一炬傷心慘目實難支持二十六年各國設立都統衙門以安地面各處
修理門面漸次起蓋樓房若據外觀似較從前尤盛考其實在空虛已極且山西各票莊素日通融地面者不下數
千百萬兩均討收殆盡入不復出收不外放地面為之一滯等等捐項層層疊出彼時有用洋款接濟者亦有素用
洋行款項傾家者被累者姑不具論即用行款接濟者能有幾何商業之掣肘莫斯為甚而各舖捐猶照常捐納如
人之病體虛弱復加以石膏大黃也必置於死地而後已伏思泰西各國均以與商為至重誠以商業興而後國方
富國富兵強國脈攸關此理之至然不待智者而知之矣職商於光緒二十九年赴日本博覽會創辦籐草帽行閱

硃批大理院覆判具奏片併發

硃批覽

硃批覽

硃批該部知道

硃批該部知道單併發

硃批知道了

硃批知道了

硃批知道了

硃批該部知道

硃批吏部議奏

硃批該部知道

歷雖係一國而揣各國之商情無不以愛國體商爲重務查津郡貨物非止銷售內地而進口之貨物與內地之出品銷售於外省者爲最多近來津郡雜稅甚多卽一絲一縷無不有落地稅不第他省各商聞之裹足不前卽內地毗連他省者均思他路運售而津郡各商益見蕭索而舖戶等等捐項有增無減不但日無起色每至年終關閉者總有百餘家竟至有減無增卽此項捐款稍爲遞減猶恐商業之不興現聞各商復欠洋款者又至一千四百餘萬兩似此虧累日繁將何日抵償若不設法援救商業之將來有不堪設想者津郡創辦商會開各省風氣之先津郡各商無不欽佩但設立商會原爲於公家有益地面商情商會知之商業之受累商會諒不忍坐視職商在河東雖設分售簾草帽行久住德州現在奧國租界竭力設法招商雖有舖捐較之津郡市面甚少職商來津數月籌思已久目視情形深恐利源外溢尤恐歲至臘底不知關閉者又有幾百家商業日減卽有此項捐款所入又有幾何與其籌捐而減商莫若安商而減捐安商則興商興商則商業遞減之中仍寓未減之意職商爲維持津郡地面起見不得不仰懇轉稟乞飭總局遞減舖捐以興商業而安地面等情查該商所陳各節不爲無見究竟能否遞減職會未敢擅擬除飭候示外理合據情稟請大帥查核批示祇遵實爲公便等情到本大臣據此除批據稟已悉候行捐務局查照核議具覆飭遵繳等因印發外合行札飭札到該局卽便查核妥議覆奪切切此札

本局稟請札飭學司轉飭各學堂將應用紙品酌擬程式數目交局承印文並批

敬稟者竊職局會同藩運兩司具詳官紙印刷歸併官報大概辦法業奉 憲台批准照辦在案伏查職局詳定辦法第六條申日內開各學堂之文憑課本講義圖書章程規則係學堂通用之品應請 憲台札飭提學司擬定程式轉飭各學堂查明按年按月應用總數交由職局印刷其課本應將大中小各學堂各定一式以示區別等語現在奉准開辦自應按照詳定辦法仰懇 憲台札飭提學司迅將學堂通用各品酌擬程式稟候 核定移知職局存案一面移行全省各學堂查明按年按月應用總數隨時交由職局按照稟定程式代爲印刷以收齊一學風之效除俟奉批再分別移行外理合稟請 憲台鑒核俯賜 批示祇遵並請札飭提學司遵照辦理實爲公便肅稟 虔請 鈞安伏乞 垂鑒

督憲陳 批據稟已悉仰候札飭提學司遵照辦理此繳

本局稟請札飭各署營局迅擬官紙程式文並批

敬稟者竊職局會同藩運兩司具詳官紙印刷歸併官報大概辦法業奉 憲台批准照辦在案伏查職局詳定辦法第六條未目內開各署營局之簿籍表冊報告書爲各署營局通用之品應請 憲台札飭各署營局擬定程式開明按年按月應用總數交由職局印刷並將尺寸大小規定一式以免參差等語現在奉准開辦自應照案辦理復查各營向用冊籍等項程式多參差不齊殊不足以昭慎重應請 憲台分別咨行 直隸提督各鎮各協督練處暨各軍統帶迅擬程式稟候 核定發交職局印刷俾全省均歸一律其表冊報告當預備憲政時代尤關重要應一併仰懇 憲台札飭各署營局迅擬程式稟候 核定照印通行俾形式不致參差用收道一風同之效除俟奉批再分別移行外理合將各署營局分別開具清單呈請 憲台鑒核俯賜 批示祇遵並請通飭遵辦實爲公便肅稟虔請 鈞安伏乞 垂鑒

督憲陳 批據稟已悉候咨 直隸提督查照並分行遵照單存此繳

警務處詳覆遵飭委員前赴順屬將各廳州縣現辦巡警情形切實調查暨通飭各屬行查文並批

爲詳覆事宜統二年正月十九日奉 憲台札開案據順直諮議局陳請改良順天警務擬請咨商設法籌辦俾順天警務與全省歸於一致等因一案當經 憲台咨商順直警務未歸劃一本非完善辦法查奏定各省官制通則清單內開各省應設巡警道專管全省巡警消防戶籍營繕衛生事務現在直隸巡警道未設之先順屬警務應先由警務處統籌辦理惟順直各屬警費情形不同應如何酌劑以期適宜之處統責成該處通飭行查酌擬辦法詳候核奪施行嗣後凡關於順屬警務事件并應分詳 尹憲以備察核此事爲劃一順直警務起見該處務當通盤籌畫認真辦理除咨呈 民政部並飭行諮議局外爲此札飭札到該處即便遵照辦理此札等因奉此遵查順直新政各屬均係創辦自非通籌合計不能整齊劃一現在各屬警務辦法各別情形不同誠如 憲諭所云本司道等公同籌議擬於警務處委員中遴派熟悉順天情形者一官一紳分赴各屬遵飭辦理查有稽查委員候補知縣高令蘊杰審定所委員順天拔貢陳樹楷堪以派委至應如何酌量變通以裨警政擬俟該員等查明具覆再行酌定辦法詳請核奪除詳 尹憲暨飭員并通飭各屬行查外理合詳請 憲台鑒核爲此備由具呈伏乞照詳施行

督憲陳 批據詳已悉仰俟該委員等查覆到日卽行酌定辦法詳候核奪此繳

陸軍糧餉局詳請咨催南洋欠解自強軍底餉以資抵撥文並批

爲詳請事宜統元年正月十二日奉 憲台札開正月初十日准 度支部咨本部議覆直隸總督陳奏南洋協餉及北洋自強軍底餉仍請互相抵撥一摺宣統二年正月初三日具奏奉 旨依議欽此相應刷印原奏恭錄

諭旨咨行直隸總督遵照可也等因到木大臣准此除咨行外合行札飭札到該局卽便查照計抄奏等因奉此查原奏內稱自強軍底餉一節經部查明該軍底餉江南每年由蕪湖米釐項下約收銀十二萬兩餘款由江南財政局奏撥足數是該軍餉需本有專款議令查照成案仍由江南按年供應併將三十三年九月以後欠款查明補解等因奏奉 俞允行知遵照又稱江南應解北洋自強軍底餉北洋應解江防協餉互相劃抵一節部查餉項之應否劃抵總以底款之是否有著爲衡自強軍餉既指定蕪湖米釐及財政局餉需均係常年有著的款該底餉現編爲第四鎮的餉此鎮之拱衛畿疆與巡防隊之駐紮長江形勢均關重要前項兵餉均係計口授食之需與其彼此協解轉需時何如互相抵撥就近濟用且江防協餉係二十萬四千兩自強軍底餉係二十二萬餘兩今以此款相抵北洋尙短收銀一萬六千餘兩由北洋另行籌補請准互相抵撥等語除江防協餉應請飭由淮軍銀錢所由本年正月起撥解職局兌收應支外其江南應行補解光緒三十三年十月起至宣統元年十二月止自強軍底餉銀四十九萬餘兩應由江南悉數補解職局俾資補撥欠解東三省協餉及歸補挪借各款之需現在東三省待款孔急屢催補解應請 憲台咨催 兩江總督部堂飭令江南財政局迅速籌解以濟急需并乞轉咨 東三省總督部堂、奉天巡撫部院查照實爲公便

督憲陳 批據詳已悉候咨請 兩江督部堂轉飭江南財政局迅將欠解自強軍底餉銀四十九萬餘兩尅日悉數籌解以濟急需並咨 東三省督部堂 奉天撫部院查照繳

練餉局詳覆支應局墊購軍火查無案據礙難籌撥文並批

爲詳覆事竊蒙憲台札開案查接管卷內據海防支應局具詳借墊各項用款請分飭籌撥等情到前護督部堂移交到本督部堂准此除批據詳已悉候分行遵照辦理繳等因印發外合行札飭札到該局卽便遵照辦理此札計

粘抄詳等因到局蒙此查原詳內開從前購辦淮練各軍軍火約共需庫平足銀五十九萬四千三百四十餘兩除由關運兩庫並銀元局籌撥外下短銀十四萬四千三百六十八兩八錢五分三釐八毫當由北洋防費項下照數墊付迄今虛懸無著前項軍火係淮練各軍所用應請檄飭練餉局銀錢所各半分籌撥補清款等情職因查練軍領用一切軍械向歸軍械局收放前項軍火係於何時購辦究竟練軍某處分領若干應攤價銀若干應由軍械局查明移覆以憑核辦當經由局移查去後茲准軍械局咨覆查前項軍火從前並非由局經購既無定購年月又未指明何項軍裝實屬無案可稽等語本司道等伏查刻下局庫款項萬分奇絀清理財政部章綦嚴無論正雜用款均須隨時詳咨奉部核准方能動用今支應局請補前項軍火墊款究竟是否練軍領用既經軍械局查無案據若以報部恐干駁詰再四籌思職同實屬礙難籌撥緣由茲奉前因理合查明具文詳覆憲台鑒核俯賜飭支應局查照

督憲陳 批據詳已悉候札飭支應局查照繳

文告錄要

督憲批示錄要○海防支應局詳收到圍場木植局何道等解到行化銀四萬兩由 批據詳已悉仰候札飭圍場屯墾木植局何道等續籌撥繳○淮軍銀錢所詳請轉咨東撫嚴催東海關速將欠解各款尅日籌解由 批據詳已悉候咨山東撫部院嚴催該關速將欠解各款尅日如數籌解以濟急需繳○北運河全河工程局稟水利局奉飭裁撤懇請另頒北運河工程局關防以資啓用由 批據稟北運全河工程甫經開辦事務殷繁自應發給關防以昭信守茲刊就奏辦北運全河工程局之關防一顆隨批發去仰即查收仍將啓用日期報查此繳○出品協會詳開辦正式展覽會日期并售品處照章免稅由 批據詳已悉仰即分移津海關道釐捐局查照繳

藩台牌示○元氏縣紳民王重信等稟留曹縣主蔭彤署滿再調一案 該紳民保留官長有干例禁前據該紳等具稟業經前司駁斥在案所稟仍不准行毋再多瀆

臬台批示○東安縣民人楊愷文來司呈控一案 批此案現據該縣以提訊陳小培據供伊與楊文俊素無嫌隙

是夜伊因二叔祖病故送女眷至七聖廟進香行至廟前楊文俊堵住廟門不令進內致相爭毆伊用奪獲尖刀札傷楊文俊身死等語稟奉 督憲批司飭縣研審錄報在案茲據呈謂陳小培前與爾子同塾讀書結有嫌隙屢被尋毆此次在人煙稠密之中復被陳小培謀害身死爾子與陳小培究因何事挾嫌未據聲叙又殺人洩忿大概不令人知而乃於人叢中下手自取敗露殊非情理所請提審之處礙難准行仍候行縣集證訊明填格錄供通報爾即回縣備質毋庸迨多瀆粘單附○完縣民人何珍來司呈控一案 批據呈地經望都等縣會勘候飭該縣等速將勘斷緣由會詳核奪

直隸警務處批示○南樂縣分局巡官董淑稟請告退一案 批稟悉該巡官所請告退一節碍難允准仍仰會同新派正巡官妥為經理以維警政此批○衡水縣自治畢業附生李毓龍等公請保留巡官仍歸原差一案 批稟悉查巡官王廷秀等業經該縣稟撤并派員代理在案所請保留一節未便允准此批○蠡縣警務研究教習祁際雲稟請註銷教練所教習并入研究所一案 批據稟已悉該生祁際雲所請註銷教習一節應將告退情由及委札稟呈該縣轉報本處再行核奪此批

保定商務總會批示○王馮氏稟請懇恩作主留地一案 批稟悉查本會評議定章凡牽涉婦女者概不管理該氏地畝係由縣開單照送到會所稱各節望即赴縣申理可也此批

畿輔近事

官場紀要○督憲於昨日下午後三點鐘出轅赴實習工場工業學堂參觀畢旋蒞本局閱視印刷事宜於六點鐘回轅○督憲札委龔都司聲揚接充續備第八營管帶官

劉覆裁營撥充警費事○督憲劉覆諮議局文云據順直諮議局陳請巡官區長薪俸應裁綠營餉項撥充以便行政而圖改良一案當經前護督部堂先行割覆在案茲經本督部堂詳加覆核直隸綠營庚子後實存二萬六千餘名支餉四十三萬餘兩歷經節次裁撤統計節省銀二十萬兩左右儘數撥充常備軍額餉之用經前督部堂袁奏明有案現存各營均有防護責守未能遽裁將來裁節之款仍應查照前案辦理不能截歸地方之用亦未便從部撥款所請礙難准行爲此抄粘奏案劉覆諮議局查照須至劉者

劉覆改良順天警務案○督憲劉諮議局文云據順直諮議局陳請改良順天警務擬請咨商設法籌辦俾順天警務與全省歸於一致等因一案當經前護督部堂先行簡覆在案茲經本督部堂與順天府尹往復咨商順直警務未歸劃一本非完善辦法查奏定各省官制通則清單內開各省應設巡警道專管全省巡警消防戶籍營繕衛生事務現在直隸巡警道未設之先順屬警務應先由警務處統籌辦理惟順直各屬警費情形不同應如何酌劑以期適宜之處統責成該處通飭行查酌擬辦法詳候核奪施行嗣後凡關於順屬警務事件並應分詳順天府尹以備察核除分行外爲此劉行諮議局查照須至劉者

天津縣董事會議覆說帖○趙鈺仁爲換給北營門口內外地畝說帖 議覆說帖閱悉希即指明地段再爲查勘核議此答○方正等爲立惜字社租錦衣橋橋火神廟房說帖 議覆說帖閱悉火神廟大殿已由議事會議決

交該處小學堂擴充齋舍之用不另招租此答○佟家樓佃戶曾富貴等爲請減租說帖 議覆說帖閱悉該村

房地各租俱有定案確難更章至發給租票本會仍按舊例辦理勿受該莊頭蔽混可也此答○孫煥文爲陳明

趙士連盜賣地畝一案說帖 議覆兩具說帖均悉請來會質問此答○幻菴爲懇請迅賜移縣備案說帖 議

覆說帖閱悉已移請縣尊備案矣此答○李書林等爲與李長有地畝轆轤一案說帖 議覆說帖閱悉該地據

本會調查係邱姓先塋前經來會面述係耿姓絕產已屬不符今又云有耿姓之姪爲證更覺支離該地應由本

會收管所陳礙難核議此答○楊李氏爲擬改廟宇以圖養生說帖 議覆說帖閱悉候移請議事會核議此答

○陳藍田爲請緩上租說帖 議覆兩具說帖閱悉該租關係學款不容拖欠所陳礙難核議此答○大慈菴住

持祥臨爲請恤養贍說帖 議覆說帖閱悉候調查該廟僧養贍數目再議養贍此答○劉永成等爲請將祇樹

園廟房仍賞給該廟住持通輿樓身說帖 議覆說帖閱悉候據情移交議事會核議此答

各省近事

教育品展覽會開幕○浙省教育品展覽會附設於木場巷仁錢教育總會自上月二十一日開幕至二十六日止陳列成績甚多其中以模型標本獨占優勝開會日撫憲增中丞暨學司袁文宗以次各官長均蒞會各有演說聞某君以模型標本所註名稱係用和文頗不滿意自非更改國文無以收盡善盡美之效云 錄上海新聞報

組織實驗工業學社○浙江省垣留學生某君曾在日本某校工科畢業於舊臘回國以省垣學校林立獨於工業一門尙無專校未免缺憾決議聯合同志組織實驗工業學社現已賃定板兒巷前品物公司舊址爲社所酌定學額六十名分爲兩班計專科四十名以四個月畢業速成科二十名以四十日畢業其教授法專以實地試驗不蹈空談必使學有心得能自行製造爲宗旨其科學如製造品物藥水顏料電鍍照相淺近物理實用化學等類惟事屬創始經費有限且實地試驗應需材料儀器款尤不資擬酌收速成科學費每名十元專科每名二十四元以資貼補已議定於二月朔開始報名以兩禮拜爲限再行擇期開課 錄申報

勸業道徵集絲品○四川勸業道周觀察因南洋勸業會徵集川省貨品亟應早爲預備特札行各屬徵取絲品並飭將產絲分量繅絲手技銷絲市場一一摘要列表隨絲申送以便彙集運賽 錄四川官報

譯電錄要

美前總統讚美英員○路透電云美前總統盧斯福氏在埃及喀圖穆地方蘇丹公會演說時極稱讚英人經營南非洲政策并謂如該洲人有欲破壞英之政策其罪實不可恕云

英國發售債票○路透電云英國出售二十五兆鎊以五年歸本三釐行息之債票於今日在英京發行以九九五收入

法外部款待日藩○路透電云法國外部大臣比昌氏設筵款待日本伏見親王并其夫人法陸軍大臣農務大臣均列坐其次

土國添造兵艦○路透電云土政府現在英國依洛威克船廠并巴爾魯船廠訂造戰艦兩艘又在克萊德班克船廠訂造巡洋艦一艘建造費共五百萬鎊

德國駐丹公使辭職○柏林電云德國駐丹公使敦爾馬克伯爵現在辭職德皇特加崇銜以酬其勞

德報讚美廢大臣○柏林電云德國報界對於中國駐德欽使廢大臣簡授陸軍部尙書一事極表同情并稱讚廢大臣之軍政

英皇與義王相會○柏林電云英皇偕其后擬在義國噶布理曼德并那布洛兩地方與義王并義后相晤

俄國議長辭職○柏林電云俄議院議長克穆扎夫氏現在辭職

一納妾祇許媒說也泰西各國無論何人不准置妾日本近從西例亦無准令置妾明文但中國禮俗民情與東西各國不同未便遽加禁止惟向來習俗有憑媒說合者有用錢價買者自應明定辦法庶與此次宗旨相符查唐律娶妾本有婚契名目擬請嗣後凡納妾者應憑媒說合祇用財禮接娶由妾之母家寫立爲妾婚契不得再以買賣字樣立寫賣契母家准令看視以順人情至爲妾名分仍當嚴格遵守不許稍有僭越

一良賤爲婚媾之律宜刪除也向來奴婢之於家長名義至嚴故有犯罪名獨重而與良人爲婚媾不能謂家長無責故知情則亦坐罪律內特設專條預防流失重在壓良爲賤賈賤爲良而以良從賤次之其於良賤之分秩序判然始如涇渭之不可合流東西之莫能易位正始所以正名也然定律雖嚴而良賤爲婚仍各循其風氣人情所習慣法亦莫得而加之今既禁止買賣人口則以後奴婢名目自當永遠革除同是齊氓似不應再分階級擬請將此律刪除凡僱工人與良人爲婚一概不加禁阻並於主家無涉庶與重視人類之意有合至良賤相毆相姦各條及律例內分別良賤之處擬請一概刪除以歸一律

一買良爲娼優之禁宜切實執行也奴婢雖爲賤役尙得齒於人羣若降至娼優託業愈卑品類污下蕩然無復廉恥之存故例於買良家之女爲娼及買良家之子爲優者皆科以枷號滿徒罪名無如奉行既久官吏視爲具文買良爲娼之案尙或偶然一見買良爲優則終年不見一案亦未聞有經官舉發者若不嚴申禁令實力執行恐奴婢之名目易除娼優之根株難絕流弊所至將有不爲奴婢或轉而爲娼優者擬請責成地方官嚴密稽查遇有買良爲娼優案件務須盡法懲治勿事姑息

督辦鹽務處奏定督辦鹽務暫行章程

第一章 總則

第一條 督辦鹽政大臣管轄全國鹽務官吏總理全國鹽務事宜

第二條 凡管轄產鹽省分之東三省直隸兩江兩廣閩浙四川雲貴陝甘各總督奉天山東西浙江各巡撫均遵 旨兼會辦鹽政大臣協助督辦鹽政大臣分管該省所屬鹽務事宜

第三條 凡管轄行鹽省分之湖廣總督吉林黑龍江江蘇安徽江西河南湖南廣西貴州陝西新疆各巡撫均遵

旨兼會辦鹽政大臣銜協助督辦鹽政大臣分管該省所屬鹽務事宜

第二章 劃分權限

第四條 凡收發引張動撥款項核覆奏銷考交代等事均由 度支部辦理

第五條 凡鹽務一切因革損益事宜由督辦鹽政大臣主持會商 度支部辦理

第六條 凡鹽務內用人行政一切事宜均由督辦鹽政大臣主持其向由各省督撫具奏之件即改由督辦鹽政

大臣主稿會同該省督撫辦理如遇有重要事件得由督辦鹽政大臣單銜具奏請 旨遵行 前項會奏事

件應如何會銜之處由督辦鹽政大臣臨時酌量辦理

第七條 凡鹽務與地方關繫事件由督辦鹽政大臣會商督撫辦理其緊急不及會商者即由該省督撫就近相

機辦理仍一面電咨督辦鹽政大臣查核

第八條 各省督撫於該省鹽務產鹽運銷一切改良方法得隨時咨商督辦鹽政大臣核辦

第九條 凡各省水陸緝私各營統歸該省督撫管轄仍由督辦鹽政大臣節制

第三章 鹽官職務

第十條 運司鹽道專管所轄區域內產鹽運鹽銷鹽以及督徵課項經管庫款各項事宜並節制所屬鹽務官吏

第十一條 運司鹽道及經管鹽務之各總局所管各項事宜凡向應詳報鹽政衙門者均應詳請督辦鹽政大臣

核辦仍一面詳明該省督撫查核

第十二條 運司鹽道及經管鹽務之各總局應將該管範圍內一切利弊應行改革事宜隨時考查擬具辦法詳

候督辦鹽政大臣核辦其該處鹽務產銷情形及所辦各事成績應按年編訂報告書詳送督辦鹽政大臣查核

第十三條 運司鹽道及經管鹽務之各總局應將該處產鹽銷鹽數目及課釐加價等項數目分別編造表冊按

月詳送督辦鹽政大臣查核

第十四條 各場官應隨時巡視場窰池井考查產鹽情形按旬申報該管官查核

第十五條 各場官及各關卡局所應將產鹽銷鹽各數目及課釐加價數目按旬申報該管官查核

河南提學司詳撫院遵批核議教育總會條陳學務改良辦法文

初七日

督憲楊據奉天呈送農事試驗場報告札飭農務總局查照文

又咨覆察哈爾都統張家口開埠事宜派員先行調查情形文

灤州官礦公司申報賑撫局附入官股照章填發各股票文

山西巡警道咨商太原總商會文

初八日

督憲楊札委津海關天津兩道會同查勘南關外總車站事宜文

賑撫水利兩局詳核覆飭勘運河各堤險工伏汎將屆恐勞費悞工請緩至秋後勘辦文

安州劉寶泰等稟安州修理南北兩堤及障水埝工竣請委員驗收文

川督趙札催各屬按年清解路股文

初九日

河南陸軍參謀處會詳撫院擬定測繪所章程文

督憲楊准學部咨禁用上海彪蒙書室教科書札飭提

學司轉飭遵照文

吳廳丞錢孫等呈擬照違警律酌訂取締馬車傷人辦法乞示遵文

肅寧縣李令士田通稟開辦小學堂觀摩會情形文

河南開封府稟撫院設立自治研究所并擬招考獎勵章程文

初十日

提督銜漢納根稟請批駁井陘黃家溝煤窰稟件以保井陘礦權文

多倫廳同知阮丞忠極稟報設立巡警教練所暨開所日期文

河南禁煙公所詳撫院第一起查驗豫省實缺候補文武各員分別造册呈請奏咨立案文

十一日

督憲楊准郵傳部咨監理財政官如有緊要密電請飭各局查照印花圖記照一等官報例收遞札飭官電總局遵照文

諮議局籌辦處詳 東陵等處遵照憲政編查館指定辦法辦理選舉文

天津靜海兩縣紳士岳景銘等稟藁城議挑濠沱河舊道與下游各州縣農民大有妨礙請查辦文

十二日

督憲楊據學司申報前往各屬考查學務公回轉咨學

部查照文

督憲楊據審判廳稟札委王令曰端等補充地方審判

官等差文

藩司詳省城補考候補各官新舊到省銜名等第文

礦政調查局詳官懷兩縣各窰戶聚衆抗領煤照圍困

委員請分飭遵辦文

十三日

農工商部札飭天津商會解送北京陳列所物品文

督憲楊准東撫咨派員赴天津保定調查監獄並習藝

所規章分別札飭遵照文

津海關道詳核議太古漢陽輪船進口軋壞電話水綫

一案應如何辦理請咨部核示文

天津縣胡令商彙詳辦學出力員紳請奏獎文

天津縣董事會稟督憲管理公產事宜文

十四日

學台傅札飭成安縣考核該縣勸學所及各小學堂分

別嘉獎文

學台傅札飭磁州考核該州各小學堂分別嘉獎文

冀州祝牧蒞稟開辦教練所暨整頓巡警辦法文

清河縣梁令成哲稟遵設巡警教練所開辦日期文

十五日

學台傅札飭大名縣整頓學務文

任縣謝令曷麟稟硝戶無可謀生請發酌加鹽價銀兩

設習藝所文

晉藩丁詳撫院續議增入禁種土藥章程文

十六日

學台傅札飭邢台縣考核該縣高初小學分別嘉獎并

申飭撤換文

沙河縣雷令其源詳現抽煤捐擬請改爲煤稅文

十七日

直隸財政局札發編造月報例言文

學台傅考核順德府師範學堂及中學堂札飭該府加

意整頓文

學台傅考核大名府師範學堂及中學堂札飭該府加

意整頓文

吉林民政司呈報各屬巡警及經費均歸地方官節制

籌辦文

十八日

督憲楊准外務部咨法使館武隨員伯理索往河南等

省考察陸軍操法札飭經過地方官照約保護文

壽同出岳

長春老婦諸虛百損服韋廉士大醫生紅色補丸身體康健精力復原 吳萃英先生者吉林長春家居上商也
 本局代表人營造其府寒暄之下蒙將其母服韋廉士大醫生紅色補丸獲益之情形欣然相告云○家母身抱沉
 痾屈指十載血滯氣衰體虛力弱冬衣重裘猶嫌其冷夏着棉衣不覺其熱稍有動作便覺氣喘乏力腦易感觸偶
 聞聲息膽怯心驚胃口惡劣每逢六月飲茶而外幾不食物四日前又加足腫之患多醫調治服藥無算絕無效驗
 迨至光緒三十四年四月承長春興亞藥房勸服韋廉士大醫生紅色補丸自服之後諸病若失足腫全消血脈流



長春吳

萃英先

生之母

爲韋廉

士大醫

生紅色

補丸所

治愈

行腦安心寧絕無驚怯之患抑且面容轉嫩氣力加
 增今則竟能手提五斤之物矣僕願人人皆知家母

十年之沉痾確爲韋廉士大醫生紅色補丸所治愈
 韋廉士大醫生紅色補丸誠能使人壽同山岳也

吳萃英先生之母所患諸症皆由血弱不潔所致韋
 廉士大醫生紅色補丸爲天下馳名補血補腦之聖


藥故能使之身體復原康強有力是丸亦爲天下馳
 名醫治 諸虛百損 血薄氣衰 腦筋衰弱 胃

不消化 肝經各病 頭痛目眩 山嵐瘴氣 風
 溼骨痛 腎髒痠痛 左癱右瘓 跳舞瘋病 脚

氣衝心 癩癧癰疽 乾溼癬癩 皮膚諸症之聖

藥至於婦科各症服之則更有調經活血之奇功也 韋廉士大醫生紅色補丸中國各處藥局凡經售西藥之處
 均有出售或直向上海四川路第八十四號韋廉士大醫生藥局中國總發行所購買或向四川重慶白象街分行購
 買亦可 價銀每一瓶大洋一元五角 每六瓶大洋八元 遠近郵費一律不取

上海四川路第八十四號韋廉士大醫生藥局啓



丸藥真樣謹防假冒

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精曾寄由德國國家柏林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子上等項無論躉零交易均可本公司總理處設在天津海大道英租界並在北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

利文洋

本行開設天津上海香港志呢華海參崴等處均設立有年諸班貨物由外洋本機器廠自造鑲蘭洋鐘皮套鐘天文坐卦等鐘以及金銀夾金銅鑲等表約有二百餘宗並各樣表鍊金鑲珠寶鑲石戒指耳墜鑄子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

瑞林祥元記 綢緞洋貨莊

本行開設北京前門外鮮魚口天津估衣街中開路北山東濟南府院西路北自置綢緞紗羅頭繡蟒洋貨布疋各色喇哩呢京廣什貨俱全貨價廉劃一二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

嶧縣中興煤礦有限公司添招新股廣告

敬啟者本公司前蒙 農工商部奏派參事行走前長蘆運台周刊嶧調查商籌擴充辦法預算五年內路礦用款出煤噸數並議招新股漕平不足銀二百二十萬兩其文呈復旋蒙 農工商部札飭本公司邀集舊股東設法招集務於預算年限內每日出煤二千噸之數各等因奉此本公司現已遵札將添招新股章程詳改完善呈部奉准立案茲將部札原呈及添招新股章程登告以供 公覽其擴充辦法及出煤獲利取息分紅各節均詳開都轉原呈並招股章程毋庸贅述如有遠近官紳商庶願附本公司認股者自一股至數十百股均可隨時向義善源慶善銀號洋灰公司河北周公祠後院南鄭宅等處商附兌款後先給收銀憑單隨即函告濟南總理處填寫股票息摺寄回轉交附股人收執為憑以收足原議之數為截止之期幸勿觀望自失利益特此敬佈

奏辦京師自來水有限公司訂期開股東常會廣告

查本公司招股簡章第二

十條內載每年二月各股東在北京本公司開會一次宣布上年盈虧情形預籌本年營業方針是為尋常會議現在本公司甫經售水並無盈虧可言而營業方針必須預為籌畫以期推行盡利且開辦情形亦應逐細報告茲定於二月二十一日下午二鐘在北京前門內西城根本公司開股東常會報告提議一切事件應請諸位股東於會期前三日攜帶股票赴本公司驗明填發入場券屆期即可持券入會如不先領入場券臨時碍難接待謹啓

北洋灤州官礦有限公司訂期開股東常會廣告

啓者本公司現屆第二期派利謹擇於二月二十五日下午二鐘假座天津河北李公祠東院罩棚內舉行股東常會應請有股諸君於會期前三日攜帶股票赴法租界五號路本公司驗明填給會券屆期即可持券入會如不先領會券臨時礙難接待謹啓

啟新洋灰有限公司舉行股東會議

敬啓者本公司現屆第三次派利謹擇於二月十六日下午二點至六點鐘舉行股東會議設海大道英租界本公司總理處務祈有股諸君於是日未到惠臨集議為盼
本公司謹啓

督署兩等小學續招學生廣告地址

督署後天緯路北學級 本校分高等初等兩級

資格

高等以能作短文為合格初等識字與不識字均可

課程

遵章報名自二月初一日起至二月三十日截止本在堂庶務處

考期

三月初一日早八點鐘考高等學生下午兩點鐘考初等學生

學費 不收

北洋灤州官鑛公司開收第一期股本廣告

啓者本公司原招股本係分兩期核收分

填天字地字兩項股票茲特定期將地字股本收足自本年正月十五日起望持天字股票為憑以便驗票收款天津本埠以三個月為限交法界五號路十四號門牌本公司總理處其外埠較遠以五個月為限仍交各處天津分銀號均先發執照一個月後換取地字股票如逾限不交當查照本公司招股章程第十七條辦理合先登明此啓

京奉鐵路局招考廣告

本局現奉 郵傳部札飭在天津地方招考交通傳習所郵電高等簡易兩班學生逾於二十一二三等日在地方
 局門考試如有身家清白程度合格願入該所肄業者即於十八日以前備帶相片開具三代年歲籍貫並同的實
 鋪來白年報名註冊以便臨期分格考試除照章出示曉諭外特此廣告章程附後 郵電班招生章程一須身
 家清白年紀在十八歲以上二十五歲以下 英文會讀四年以上者 二英文論說
 三漢文譯英 四英文譯漢 五口授英文講義筆錄 六代數至雙位 一英文會讀四年以上者 二英文論說
 九國文 除國文論說用中文考試外其代數與地理化學三門如不能用英文問答者准用中文一簡易班入學
 程度 一國文能作三四百字清順者 二中國輿地 三算術 四理化學大意 五英文能作淺近答問者
 一郵電高等班用英文中文相間教授兼習法文二年授課半年實習共二年半畢業簡易班全用中文教授一年
 授課半年實習共一年半畢業 一報名考試在京取具一同鄉官印結本旗圖片一在取具殷實舖戶蓋戳並携
 帶相片無論錄取與否相片均不發送 一報考各生應自揣程度於報名時聲明招考高等班或簡易班分別填
 冊一通存案 一不設宿舍不備飯食其上海香港漢口考取各生到京時先由傳習所備客棧暫住供給飯食半個
 月以後概由該學生自理至北京天津考取學生概不供給 一入堂後不收學費所有筆墨抵張及一切雜用品
 均不發給其教科書及操衣學靴帽均由所備辦該生繳價領用 一各埠考取學生呈具保單志願書後按名
 給與船票車票來京其餘一切零費概不發給 一入堂後考試成績最優者酌書籍彙器等獎品以示鼓勵
 電高等班功課表 第一年 第一二學期應授課目 各國郵政章程大概 郵政管理法 甲國內郵便 乙郵
 國際郵便 郵便儲金 電政管理法(附各國電政章程) 電氣通信術(附電氣通信機概要) 商業簿記
 業算學 商業經濟學 交通地理 甲本國交通地理 乙世界交通地理 國文(附應用公牘) 英文
 文(兼習) 第二年 第三四學期應授課目 各國郵政章程大概 中國現行郵政章程 郵政管理法 甲
 國內郵便 乙國際郵便 郵便儲金 郵便匯兌 電政管理法(附各國電政章程) 中國現行電政章程
 電氣通信術(附電氣通信機概要) 各國貨幣攷 商業簿記 商業經濟學 商業算學交通地理 甲木國
 交通地理 乙世界交通地理 萬國郵政公會之組織及其歷史 萬國郵政法規 內國郵政管理 外國郵政法規
 英文 法文(兼習) 郵電簡易班功課表 第一學期 內國郵政法規 電氣通信術 數學 地理 國文 外國文
 外國郵政管理 郵便儲金(法規及管理) 電信法規 內國郵政管理 郵便匯兌(法規及管理) 第二
 學期 內國郵政法規 內國郵政管理 外國郵政法規 外國郵政管理 郵便匯兌(法規及管理) 電信
 管理 貨幣攷 電氣通信術 數學 地理 國文 外國文